**摛藻堂四庫** 

全書

薈

曾要

子部

欽定四庫全書管要日店通義卷上

詳校官員外郎臣潘紹觀 王杰詳校

台虎通義 台虎通義 3 met de dans 三封五爵 鄉 射 酱 辟諫五禮 雍諍行樂

鉑 定 宗六三八王封下災寒 月在言 不 臣 姓情三商蓍巡的名性教贾龜行 耕桑 天壽三文聖考地命網質人點

綿晃 五刑 日月 籍 志 德 臣等謹案白虎通義二卷漢 班 論十卷下引崇文總目云凡十四篇又 志 孫 固等白虎通義六卷文獻通考白虎通 白虎通六卷不著撰人姓 書 録 白虎通義 解 喪 四時 五 題云凡四 經 服 + 衣裳 四門今本為元 崩薨 班 嫁 名唐書藝文 固 娶 撰 隋書 經

定 子會 傅 大德 其業而章句之徒破壞大體宜如石渠故事 耳 言 寫 四 五經于石渠閣方今天下少事學者 事 十四 分合小 中 諸 僅分二卷 儒 劉 而 門 楊 講 世常所藏 異 終傳 相 論 視 非 符其曰十四篇 五 經 有 諸 稱終言宣帝 作 所 凡四十 志所載又不 白虎通 缺 佚 四篇 也據 德 者 博徴 同盖 與 論 固 脱一四字 犁 傳 令 陳 得成 輾 儒 固 稱 轉 論 撰 所 天

敏定四库

全

書

召 北宫白虎觀使五官中郎将魏應主承制 **賞出丁鴻停稱肅宗詔鴻與廣平王美及諸** 達等以終深晚春秋學多異聞表請之即日 馬會終坐事繫獄博士趙博校書郎班固買 永為世則于是詔諸儒于白虎觀論考同異 儒樓望成封桓郁賈遠等論定五經同異于 馴李育皆得與于白虎觀盖諸儒可考者 侍中淳于恭奏上帝親稱制臨决時張酺 白虎道義


贞 月白書 省界有此一名故唐劉知樂史通序引白虎 子賢注云即白虎通義是足證固撰集後乃 名其書曰通義唐志所載盖其本名通考題 白虎觀考詳同異連月西罷肅宗親臨稱制 通義後漢儒林傳序言建初中大會諸儒于 如石渠故事顧命史臣著為通義唐章懷太 十有餘人其議奏統名白虎通德論猶不名 通德論失其實矣隋志刑去義字盖流


宜從事也乾隆四十二年二月恭校上 屬記則禮之逸篇方漢時崇尚經學成兢兢 守其師承古義舊聞多存乎是洵治經者所 漢習尚使然又有王度記三正記別名記親 也書中徵引六經傳記而外涉及緯識乃東 通風俗通為説實則踵相 白虎通義 總 總察官民紀即陸錫能臣孫士毅 校 官臣 祖襲忘其本始者 陸 費

劉守平父家藏白虎通善本繡梓以廣其傳是亦明經 漢唐書籍以通名者五惟白虎通與風俗通行於世乃 儒之所討論實為鉅典而所至缺此板余當持節 路行中書省参知政事東平嚴廣恪齊題 如建安書市號為羣籍所秤訪求無有也今錫學得 班固字孟堅扶風人漢章帝詔諸儒會白虎觀講議 助豈小補哉大徳乙巳四月望日中奉大夫雲南 白虎通馬

足可華全書

白虎通義原序





子者何以其俱命於天而王治五千里内也尚書曰天 三等者法三光也或法三光或法五行何質家者據天 故易曰伏羲氏之王天下也爵有五等以法五行也或 **欽定四庫全書** 周爵五等各有宜也王制曰王者之制禄爵凡五等謂 故法三光文家者據地故法五行合文嘉曰殷爵三等 何以言皇亦稱天子也以其言天覆地載俱王天下也 天下也中候日天子臣放助書無逸篇日戚兆天子爵 子作民父母以為天下王何以知帝亦稱天子也以法

子男五十里伯者百也子者孳也孳孳無己也男者任 僕小國稱伯子男也王制曰公侯田方 百里伯七十里 之後稱公其餘人皆千乗象雷震百里所潤同大國稱 公正無私之意也侯者候也候逆順也春秋傅曰王者 公侯伯子男此周制也所以名之為公侯者何公者通也 大國以名通也百里兩爵公侯共之七十里一爵五十 也人皆五十里差次功徳小者不滿為附庸附庸者附

里復兩爵何公者加尊二王之後侯者百里之正爵土

白虎道教

灾已日 · 在 ·

文從質無虚退人之義故上就伯也尚書曰候甸任衛 上可有次下可有第中央故無二五十里有兩爵者所 變何地比爵為質故不變王者有改道之文無改道之 從子貴中也以春秋名鄭忽忽者鄭伯也此未踰年之 作國伯謂殷也春秋傳曰合伯子男以為一爵或曰合 君當稱子嫌為改赴故名之也地有三等不變至爵獨 以加勉進人也小國下爵猶有尊卑亦以勘人也殷爵 三等謂公侯伯也所以合子男從伯者何王者受命改 巴居名中

實股家所以令公居百里侯居七十里何也封賢極於 者也故傳曰進賢達能謂之大夫也去者事也任事之 里其政也不可空退人示優賢之義欲哀尊而上之何 無私也即之為言章善明理也大夫之為言大扶進人 大夫何爵者盡也各量其職盡其才也公之為言公正 也多少不相配公卿大夫者何謂也內 爵稱也日公卿 里有七十里有五十里其地半者其數倍制地之理體 以知殷家侯人不過七十里者也曰士上有三等有百

白虎通義

也大夫但有上下何明里者多也爵皆一字也大夫獨 百上大夫下大夫上士中士下士凡五等此謂諸侯臣 本故不改內也諸侯所以無公爵者下天子也故王制 為爵也以大夫知卿亦爵也何以知公為爵也春秋傳 言爵為士至五十爵為大夫何以知士非爵何以知卿 也故傳曰通古今辯然否謂之士禮曰四十強而仕不 所以三等何亦法三光也所以不發質文何內者為 侯四角諸公六角合而言之以是知公卿為爵內

欽

定四庫全書

表' 上)

語侯之士也禮經曰士見大夫諸侯之士王制曰王者 子之士獨稱元士何士賤不得體君之尊故加元以别 兩字何春秋傅曰大夫無遂事以為大夫職在之適四 方受君之法施之於民故獨兩字言之或曰大夫爵之 天子也故連言天子也或曰王者天爵王者不能生諸 即言王侯以王者同稱為衰弱借差生篡弑猶不能為 八十一元士天子爵連言天子諸侯爵不連言王侯何 下者也稱大夫明從大夫以上受下施皆大自著也天

定日車全書

白虎通義

士也婦人無爵何陰果無外事是以有三從之義未嫁 爵死無證春秋錄夫人皆有諡夫人何以知非爵也論 之行故禮郊特胜日婦人無爵坐以夫之齒禮日生無 從久既嫁從夫夫死從子故夫尊於朝妻荣於室隨夫 以舜時稱為天子必先試於士禮士短經天子之元子 稱士何舉從下升以為人無生得貴者其不由士起是 侯故不言王侯諸侯人事自著故不著也王者太子亦 日邦君之妻君稱之日夫人國人稱之日君夫人即

之義也封諸侯於廟者示不自專也明法度皆祖之制 夫匹婦之為該也爵人於朝者示不私人以官與衆共 匹偶也與其妻為偶陰陽相成之義也一夫一婦成 也舉事必告馬王制日爵人於朝與衆共之也詩云王 令是爵君稱之與國人稱之不當里也庶人稱匹夫者 明君人者不當使男女有過時無匹偶也論語曰匹 君降立於作階南南向所命北向史由君右執策命 卿士南仲太祖禮祭統曰古者明君爵有德必於太

白光道義

士子為大夫父為士祭以大夫葬以士也父在稱世子 者祭從生者所以追孝繼養也葬從死者何子無爵父 之大夫功成未封而死不得追爵賜之者以其未當股 之義也禮中庸記曰父為大夫子為士葵以大夫祭以 肱也春秋穀梁傅曰追賜死者非禮也王制曰葵從死 子者即尊之斯也喻年稱公者緣民之心不可一日無 欽定四庫全書 君也緣終始之義一年不可有二君也故喻年即位所 繫於君也父沒稱子某者何屈於尸極也既葵稱小

秋魯僖公三十三年十二月乙已薨于小寢文公元年 以繁民臣之心然後爵者緣孝子之心未忍安吉故春 子何言欲其世世不絕也何以知天子子亦稱世子也 諸侯世子三年喪畢上受爵命於天子所以名之為世 春王正月公即位四月丁已葵我君僖公韓詩內傅曰

有太子中生鄭有太子華齊有太子光由是觀之周制

白虎通義

1) all all 1. dla 1

春秋傳曰公會世子于首止或曰天子之子稱太子尚

子諸侯王之嫡稱代子後代咸因之世子三年喪畢必 |太子代子亦不定也漢制天子稱皇帝其嫡嗣稱皇太| 士服何讓不敢自專也故詩日蘇齡有絕世子始行也 之經不以魯耻明不與童子為禮也世子上受爵命衣 與童子為禮也以春秋魯成公幼少與諸侯會公不見 之義童子當受父爵命使大夫就其國命之明王者不 上受爵命於天子何明爵土者天子之有也臣無自爵 天子大做之後稱王者明士不可一日無君也故尚書

定四库全書

也緣始終之義一年不可有二君也故尚書曰王釋見 曰王麻見黼裳此斂之後也何以知王從死後加王也 以尚書言迎子到不言迎王王者既獨而即繼體之位 何 終民臣之心不可一日無君故先君不可得見則 繼體矣尚書曰再拜興對乃受同瑁也明為繼體 同反喪明未稱王以統事也不順年無君故逾年乃 服吉見受同稱王以接諸侯明已繼體為君也釋員

位改元名元年年以紀事君名其事兵而未發號令

白虎通義

社 欽 聽於冢宰三年緣孝子之心則三年不當也故三年 要乃即位統事即位践作為主南面 稷 令也尚書曰高宗該陰三年是也論 定 亦 王制曰夫喪三年不祭唯祭天地社稷為越鄉 四 庫 和天子阶 言踰年即位謂改元位春 元位也王者改元 秋傅日天子三年 全書一 年即 位也春 几年了 狄、 後 即 事天地諸 秋 稱 门元年 王者謂 秋傅日八諸侯逾 朝臣下稱 語 稱王統事 焦 春 君费百官 改元即 王正 月 而

或日家军视卿周官所云也 為家宰職在制國之用是以由之也故王制日大家宰 發號令也故天子諸侯凡三年即位終始之義乃備所 事也故王度記曰天子冢宰一人爵禄如天子之大夫 以該陰三年卒孝子之道故論語曰古之人皆然君费 百官總已聽於家宰三年所以聽於家宰三年者何以 文 E 日 車 A Man 國用所以名之為家宰何家者大也宰者制也大制 號 白虎用美

者五行之稱也皇者何謂也亦號也皇君也美也大也 帝王者何號也號者功之表也所以表功明德號令臣 皮毛飲泉液吃露英虚無家麻與天地通靈也就言為 其違也煩一夫摄一士以勞天下不為皇也不擾匹夫 記論法曰德象天地稱帝仁義所生稱王帝者天號王 匹婦故為皇故黄金弃於山珠玉捐於淵嚴居穴處衣 天之惣美大稱也時質故惣之也號之為皇者煌煌人 下者也德合天地者稱帝仁義合者稱王別優劣也禮

岳曰裕汝衆或有一人王者自謂一人者誠也欲言己 帝王何以為接上稱天子明以爵事天也接下稱帝王 帝者何帝者諦也象可承也王者往也天下所歸往鉤 者得號天下至尊言稱以號令臣下也故尚書曰語四 尊者一人耳故尚書曰不施予一人或稱朕何亦王者 材能當一人耳故論語曰百姓有過在子一人臣謂之 一人何亦所以尊王者也以天下之大四海之內所共 訣 曰三皇步五帝超三王 馳五霸為或稱天子或稱 白虎通義

此謂弟子弟子者民也三皇者何謂也謂伏義神農緣 者丈夫之通稱也故孝經曰君子之教以孝也所以敬 自我皆識或稱君子何道德之稱也君之為言羣也子 之誦也朕我也或稱予者子亦我也不以尊称自也但 謂之伏義者何古之時未有三綱六紀民人但知其母! 人也或日伏義神農礼融也禮曰伏義神農祝融三皇也 天下之為人父者也何以言知其通称也以天子至於 民故詩云凱弟君子民之父母論語云君子哉若人 定匹庫全書

之人民皆食禽獸肉至於神農人民衆多禽獸不足於 是神農因天之時分地之利制未和教民農作神而化 象於天俯察法於地因夫婦正五行始定人道盡八卦 不知其父能覆前而不能覆後即之法法起之吁吁飢 教民熟食養人利性避臭去毒謂之燧人也謂之祝耻 以治下治下伏而化之故謂之伏義也謂之神農何古 之使民宜之故謂之神農也謂之燧人何對木燧取火 即求食能即弃餘站毛飲血而衣皮革於是伏養仰觀

钦定日車全書 人

中和萬世常存故稱黃帝也謂之颛顼何额者專也項 帝中和之色自然之姓萬世不易黃帝始作制度得其 竟帝舜五帝也易日武帝克舜氏作書日帝克帝舜告、 堯猶 晃晃也至髙之朔清妙髙遠優游博行衆聖之主 何也學者極也言其能施行窮極道德也謂之先者何 者正也能專正天人之道故謂之颛顼也謂之帝譽者 故謂祝融也五帝者何謂也禮曰黃帝顓頊帝譽帝 何祝者屬也融者續也言能屬續三皇之道而行之

者受命必立天下之美號以表功自克明易姓為子孫 殷學夏收三王共皮弁也所以有夏殷周號何以為王 制也夏殷周者有天下之大號也百王同天下無以相 而行之三王者何謂也夏殷周也故禮士冠經曰周弁 已複襲先王之號與繼體守文之君無以其也不顧 百王之長也謂之舜者何舜猶解解也言能推信夷道 改制天下之大禮號以自别於前所以表著已之功 也必改號者所以明天命已著欲顯揚已於天下也

可能通長

著戒惡明不勉也不以姓為號何姓者一字之稱也尊 業明當致施是也所以預自表克於前也帝王者居天 道殷者中也明當為中和之道也聞也見也謂當道者 别於後代著善惡垂無窮無自推觀施後世皆以勘善 明非天意也故受命王者必擇天下美號麦者已之功 **欽定四庫全書** 下之尊號也所以差優號令臣下該者行之跡也所以 備有天下之號而無萬國矣夏者大也明當守持大 同也諸侯各稱一國之號而有百姓矣天子至尊

禪以民為子成于天下無為立號也或曰唐虞者號也 見中和之為也周者至也密也道德周密無所不至也 辛嗣項有天下號曰高陽黃帝有天下號曰自然者獨 之美號以自號也五帝無有天下之號何五帝徳大能 為周易色為京也春秋傅曰王者受命而王必擇天下 唐湯湯也湯湯者道德至大之貌也虞者樂也言天下 何以知即政立號也詩云命此文王于周于京此改號 有道人皆樂也故論語曰唐虞之際帝善有天下號高 白虎通義

歃 一冊文朝於周者也或日五朝謂齊桓公晋文公秦移公 天子正天下之化與復中國攘除夷秋故謂之霸也昔 宏大道德也高陽者陽猶明也道德高明也高辛者道 楚莊王吳王闔問也霸者伯也行方伯之職自諸侯朝 凡吾氏霸於夏者也大彭氏豕韋氏霸於殷者也齊桓 公晉文公也昔三王之道衰而五霸存其政率諸侯朝 天子不失人臣之義故聖人與之非明王之法張不霸猶 大信也五霸者何謂也是吾八大彭氏豕韋氏齊桓 定四库全書

之崇懷亦尚一人之慶知秦穆之霸也是勝鄭而不告 通也把也迫有諸侯把持其,政論語日管仲相桓公霸 調齊桓公晉文公秦務公宋襄公赴莊王也宋襄伐齊 不擒二毛不鼓不成列春秋傳曰雖文王之戰不是過 國心與師伐楚諸侯莫敢不至知其之霸也或曰五霸 侯春秋日公朝于王所於是時知晋文之霸尚書曰邦 而去知楚莊之霸也察侯無罪而拘於楚吳有憂中 而攻之又令還師而供晉冠圍宋宋因而與之平引

白虎道義

一時不私其臣子之義心俱欲尊其君父故皆令臣子得 知其霸也伯子男臣子於其國中發其君為公王者臣一 稱其君為公也帝王異時無會同之義故無為同也何 相 子獨不得褒其君謂之為帝何以為諸侯有食聚之事 以諸侯稱公齊侯桓公尚書曰公曰嗟秦伯也詩云軍 公維私單子也春秋日葵許繆公許男也禮大射經日 朝聘之道或稱公而尊或稱伯子男而果為交接之

釋獲大射者諸侯之禮也伯子男皆在也

欽

定四庫全書

益者何也益之為言引也引列行之跡也所以進勘成 喪至自乾侯昭公死於晉乾侯之也數月歸至急當未 生有爵死當有益也死乃益之何言人行終始不能治 徳使上務節也故禮特性曰古者生無爵死無議此言 有益也春秋日丁巴葵戊午日下倒乃克葵明祖載而 以臨葬而諡之何因衆會欲顯揚之也故春秋日公之 故據其終始從可知也士冠經曰死而論之今也所 諡 白虎通義

或兩言何文者以一言為益質者以兩言為益故尚書 **赞文諡有實文何號者始也為本故不可變也周已後** 得称帝不能立制作之時故不得復稱黃也益或一言 用意尤文以為本生時號令善故有善諡故合文武王 有益也黃帝先黃後帝何古者順死生之稱各持行合 而言之美者在上黃帝始制法度得道之中萬世不易 Ó 日髙宗殷宗也涉死後世稱成涉以兩言為諡也號無 黃自然也後世雖聖其能與同也後世德與天同亦 佐匹庫全書 1

惡也帝者天號也以為克猶該商工世質直死後以其 也合言之則上其諡明别善惡所以勸人為善戒人為 名為號耳所以益之為堯何為益有七十二品禮記益 南郊明不得欺天也故曾子問孔子曰天子崩臣下之 以為人臣之義莫不欲發大其君掩惡揚善者也故之 日文強理勁直益日武天子崩臣下至南郊益之者何 法日異善傅聖諡曰克仁聖盛明諡曰舜慈惠爱民諡 南郊告益之諸侯薨世子赴告天子天子遣大夫會其一 白虎通美

當受益於君也卿大夫老婦死有益何益者別尊甲彰 宋恭姬傳曰其稱益何賢也傳曰哀姜者何莊公夫人 務猶士甲小不得有益也太子 夫人無益 何本婦人蓝 歃 何無爵故無諡或曰夫人有諡夫人一國之母修閏 卿大夫妻無諡何賤也公妾所以無諡何里賤無所能 之內羣下亦化之故設益以彰其善惡春秋傅日遊 德也卿大夫歸無過猶有禄位故有諡也夫人無諡 而諡之何幼不謀長賤不誅貴諸侯相誅非禮也臣 定匹庫全書

之南郊也婦人本無外事何為於郊也禮曾子問曰唯 之於君然後加之婦人大夫故但白君而已何以知 無益知太子亦無益也附庸所以無益何早小無爵也 夫太子無益其夫人不得有益也天子太子元士也士 以為於朝廷朝廷本所以治政之處臣子共審益白 何法法曰未出而明已入有餘光也 ·稱天以誄之唯者獨也明天子獨於南郊耳顯號 日爵禄凡五等附庸本非爵也後夫人於何所益

2

L dun I

白虎通義

五祀者何謂也謂門戶并電中雷也所以祭何人之所 五礼 盆

灾匹

月白き

卷上

電中雷也月今日其祀户又日其、祀電其祀中雷其祀 處出入所飲食故為神而祭之何以知五祀謂門戶井 其先祖耳禮曰天子祭天也諸侯祭山川卿大夫祭五 門其紀井獨大夫已上得祭之何士者位甲禄薄但祭

犯士祭其祖由禮曰天地四時山川五祀成遍諸侯方

山川五祀歲遍鄉大夫祭五祀士祭其先非所當祭

伏藏六月祭中雷中雷者象土在中央也六月亦土王 自守也冬祭井井者水之生藏任地中冬亦水王萬物 養萬物秋祭門門以開藏自固也秋亦萬物成熟內備 五行也故春即祭戶户者人所出入亦春萬物始觸户 言其礼門祭先肝冬言其祀井祭先野中央言其祀中 也故月令春言其、礼户祭先脾夏言其礼電祭先肺秋 而出也夏祭電者大之主人所以自養也夏亦火王長 而祭之名曰淫祀淫祀無福祭五祀所以 歲一遍何順

白虎通義

犬井以豕或口中雷用牛餘不得用豚井以魚 水最早不得食其所勝祭五祀天子諸侯以牛卿大夫 王者所以有社稷何為天下求福報功人非土不立非 以羊因四時性也一說戶以羊電以雄中雷以豚門 主然土故以所勝祭之也是冬野六月心非所勝者以 雷祭先心春祀户祭所以時先脾者何脾者土也春木 何以為土位在中央至尊故祭以心心者藏之尊者 社稷

盆定四庫全書

人盖語侯之孝也稷者得陰陽中和之氣而用尤多故 穀不食土地廣博不可福敬也五穀衆多不可一一而 之也尚書曰乃社于新邑孝經曰保其社稷而和其民 祭也故封土立社示有土尊稷五穀之長故封稷而祭 重功故也尚書回乃社于新邑羊一牛一豕一王制 為長也歲再祭何春求穀之義也故月令仲春之月擇 天子社稷皆大牢諸侯社稷皆少牢宗廟俱大牢社稷 元日命人社接神契日仲春羧禾報社祭稷以三性何

如日本公本

白虎道義

社為天下報功王社為京師報功太社尊於王社土地 上祭其下郊特性日喪國之社屋之自言與天地絕也 善者得之惡者失之故春秋公羊傅曰亡國之社奄其 獨少年何宗廟大年所以席孝道也社稷為報功諸侯 記三正日王者二社為天下立社日太社自為立社 王社諸侯為百姓立社日國社自為立社日侯社太 所報者少故也王者諸侯俱雨社何俱有土之君 報之王者諸侯必有誠社何示有存亡也明為

官墻不得其門而入不見宗廟之美百官之信祭義曰 脱之也社稷在中門之外外門之內何尊而親之與先 置宗廟之墙南禮日亡國之社稷必以為宗廟之屏示 在門東明自下之無事處也或曰皆當著明誠當近君 祖同也不置中門內何敬之示不褻瀆也論語曰譬語 祭法曰大夫成羣立社曰置社月令曰擇元日命人社 右社稷左宗廟大夫有民其有社稷者亦為報功也禮

足可車全書!

白虎通義

語日季路使子羔為费宰日有民人馬有社稷馬不

官 養人為 立祀 之土何 日司 尊而識之使民人望見師歌之又所以表功也 1一稷、 始謂之稷語亦自變有內外或曰至稷 不變其名事自可知也不正月祭稷何禮不常 用故立其神社無屋何達天地氣故郊特 必受霜露風雨以達天地之氣社程所 封土為社故處名謂之社利於東土也為社 而樹之各以土地所生尚書曰大社唯 不以稷 とく 敌 有 周 日

唯

栢

在唯梓西社唯栗九社唯槐王者自親祭

樂記日樂之施於金石絲竹越於聲音用之於宗廟社 方青色南方赤色西方白色北方黑色上目以黄土敌 稷何社者土地之神也土生萬物天下之所主也尊重 稷曾子問曰諸侯之祭社稷且豆既陳聞天子崩如之 將封東方諸侯青土直以白茅謹敬察清也祭社有樂 之故自祭也其擅大何如春秋文義曰天子之社程應 五丈諸侯半之其色如何春秋傳曰天子有太社馬東 孔子曰察臣子哀痛之不敢終於禮也 白虎通義

其不和親故樂者所以崇和順此物節節節奏合以成 其邪惡也禮所以防淫供節其為靡也故孝經曰安上 人無不合天地之氣有五常之性者故樂所以荡滌反 同聽之則莫不和順在閨門之內父子兄弟同聽之則 治民災善於禮移風易俗莫善於樂子曰樂在宗廟之 釭 君臣上下同聽之則其不和敬族長鄉里之中長幼 埞 所以盛禮樂何節文之喜怒樂以象天禮以法地 匹 庳 禮 全書一 樂 长上

慈者開徵奉莫不喜養好施者聞商奉莫不則斷而立 故先王之喜怒皆得其齊馬喜則天下和之怒則暴亂 齊馬故樂者天地之命中和之紀人情之所不能免馬 文所以合和父子君臣附親萬民也是先王立樂之意 者畏之先王之道禮樂可謂盛矣開角聲莫不惻隱 也夫樂者先王之所以節喜也軍旅鉄我所以節怒也 容貌得齊馬行其級兆要其節奏行列得正馬進退得 也故聽其雅頌之聲志意得廣馬執干成習俯仰居信

2

. A. J. J. M.

白虎迎義

者陰陽之際也百事之會也所以尊天也價鬼神序上 揖讓而升下而飲其爭也君子故君使臣以禮臣事君 人君子之心故孔子日為禮不敬吾何以觀之哉夫禮 以忠謙謙君子利涉大川以貴下賤大得民也在已散 寬和者也禮所揖讓何所以尊人自損也不爭論語曰 事者聞羽聲莫不深思而遠應者聞官聲莫不温潤而 下正人道也樂所以必歌者何夫歌者口言之也中心 定匹庫全書 1

喜樂口欲歌之手欲舞之足欲蹈之故尚書曰前歌後

太平乃制禮作樂何夫禮樂所以防奢淫天下人民飢 男女錯雜為鄭蘇以相悅俸故邪僻蘇皆淫色之聲也 遠鄭奉也孔子日鄭蘇淫何鄭國土地民人山居谷谷 舞假于上下禮貴忠何禮者盛不足節有餘使豐年 者陽也陽倡始故言作禮者陰也陰制度於陽故言制 寒何樂之子功成作樂治定制禮樂言作禮言制何樂 奢凶年不儉富貧不相懸也樂尚雅雅者古正也所 樂泉陽禮法陰也王者始起何用正民以為且用先王 ? ) not by Alia III 白虎通長

之道而行之天之所生地之所載成蒙德施也顓顼曰 周公之樂日酌合日大武黄帝曰成池者言大施天下 樂日成池顓頊樂日六堂帝學樂日五英夷樂日大章 又天下樂之者樂者所以象德表功殊名禮記日黃帝 邑此言太平去股禮春秋傅曰昌何為不修乎近而修 之禮樂天下太平乃更制作馬書日肇稱殷禮祀于新 舜樂日簫韶禹樂日大夏湯樂日大獲周樂日大武泉 乎遠同已也可殷先以太平也必復更制者示不襲也 四月五言

英者言能調和五聲以養萬物調其英華也竟日大章 大明天地人之道也舜曰簫韶者舜能繼堯之道也禹 象太平而作樂示已太平也合日大武者天下始樂周 周公輔成王能斟酌文武之道而成之也武王曰象者 日大夏者言禹能順二聖之道而行之故日大夏也湯 之征伐行武故詩人歌之王赫斯怒爰整其旅當此之一 日大獲者言湯承表能護民之急也周公日酌合者言 六並者言和律悉以調陰陽並者著萬物也帝魯日五

钦 定 四 車 全 書

白虎通義

時天下樂文王之怒以定天下故樂其武也周室中制 象湯樂何殷紂為惡日久其惡最甚斮沙到胎殘賊天 詩曰大夫士琴瑟御八佾者何謂也份者列也以八人 以節喜盛天子八佾諸侯四佾所以别尊里樂者陽也 命也故春秋公羊傳曰天子八佾諸公六佾諸侯四佾 天地成萬物者也亦猶樂所以順氣變化萬民成其性 下武王起兵前歌後舞尅殷之後民人大喜故中作所 以陰數法八風六律四時也八風六律者天氣也助

者也故但琴瑟而已王者有六樂者贵公美德也所以 為行列八八六十四人也諸公六六為行諸侯四四為 先王以作樂崇徳殷薦之上帝以配祖考詩云奏鼓簡 作供養謂傾先王之樂明有法不亡其本與己所以自作 行諸公謂三公二王後大夫士北面之臣非專事子民 法也與其所自作明有制典四夷之樂明德庶及之也 簡行我烈祖樂元語曰受命而六樂樂先王之樂明有 明作已也樂所以作四夷之樂何德廣及之也易日

決

足日華全書

白虎通義

舞 之樂日離合觀之樂舞於堂四夷之樂陳於 之樂以為先聖王也先王推行道德 以得之順命重始也此言以文得之先以文謂持 南夷之樂曰此西夷之樂曰禁北夷之樂曰昧東夷 故夷狄安樂來朝中國於是作樂樂之南之為言任 舞 也以武得之持干成舞也樂元語曰東夷之樂持子 時生也南夷之樂持羽舞助時養也西夷之樂 助時然也北夷之樂持干舞助時藏也能 和 調 陰陽覆 《右先王 制 夷 羽 被 持

國人何以言之夷狄之人禮不備恐有過誤也作之門 以為禮者身當履而行也夷狄之人不能行禮樂者聖 名之耳故百王不易戚二者制夷狄樂不制夷狄禮 人作為以樂之耳故有夷於樂也殊為舞者以為使中 西方戚北方擊金夷狄質不如中國中國文章但隨物 者何夷在外故就之也夷狄無禮義不在內明堂記 藏体雖者萬物微離地而生一說東方持矛南方歌 任養萬物珠之為言昧也昧者萬物老我禁者萬物

וו מוש על אבשיי

白虎通義

一五五

言務舉惡也則别之東方為九夷南方為八蜜西方為 被髮文身又曰南方曰蠻雕踶交趾西方曰我被髮衣 白九夷之國在東門之外所以知不在門內也明 堂記 姓之難至者也何以知夷在東方禮王制曰東方曰夷 六戎北方為五秋故曾子問曰九夷八蠻六戎五秋百 日禹納蠻夷之樂於太廟言納明有入也曰四夷之樂 何謂也以為四夷外無禮義之國數夷状者從東故 本以為之抱名也言夷秋者舉終始也言蠻舉遠也 月白草1 象功君子上德而下功郊特性 日歌者在上論語日季 碎易無別也歌者在堂上舞在堂下何歌者象德舞者 者傅於無禮義東方者少陽易化故取名也北方太陰 然也何以名為夷蠻曰聖人本不治外國非為制名也 皮北方曰狄衣羽毛穴居東所以九何盖來者過九之 為言究也德編究故應德而來亦九也非故為之道自 因其國名而言之耳一說曰名其短而為之制名也夷 奉故少蜜 再難化執心違那我者強惡也於者易也

E 9

**基公益** 

白虎通義

華也王者食所以有樂何樂食天下之太平富積之饒 尚書大傅曰博拊鼓振以東琴瑟練緣繳該鳴者貴玉 格 舉樂王者所以日食者何明有四方之物食四時之功 也明天子至尊非功不食非德不絕故傳曰天子食時 氏八佾舞於庭書下管報鼓笙鏞以間降神之樂在上 何為鬼神舉故書曰憂擊鳴球搏拊琴瑟以詠祖考來 何以用鳴球搏拊者何鬼神清虚貴淨賤雞銷也故 四方不平四時不順有微樂之法馬所以鳴至尊者 Æ 巻上

法戒也王平居中央制御四方平旦食少防之始也書 食太陽之始也脯食少陰之始也暮食太陰之始也論 卿大夫再飯尊早之差也弟子職暮食士假禮士也食 即知其所生音者飲也言其剛柔清濁和而相飲也尚 禮樂者何謂也禮之為言禮也可履践而行樂者君 無數庶人職在耕桑我力勞役飢即食能即作故無 日亞飯干 適楚三飯絲適蔡四飯缺適秦諸侯三飯 樂得其道小人樂得其欲聲者何謂聲鳴也開上聲

可見通り

書曰予欲開六律五奉八音五奉者何謂也官商角徵 盛徳在水其音羽所以名之為角者羅也陽氣動躍徵 在木其音角又曰盛德在火其音殺盛德在金其音商 羽土謂官金謂商木謂角火謂微水謂羽月令曰盛德 也八音者何謂也樂記日土日损竹日管皮曰鼓匏曰 也陰氣在上陽氣在下宫者容也含也含容四時者 止也防氣止商者張也除氣開張陽氣始降也羽者

欽

定四庫全書人

笙絲日終石日整金日鐘木口祝哉此謂八音也法易

之故樂用八音樂記曰據次音也管民音也鼓震音也 月萬物始施而勞笙者太族之氣象萬物之生故曰笙 言軟陽氣於黃泉之下點蒸而崩匏之言施也在十二 經離音也鐘兒音也祝歌乾音也燻在十一月 標之為 天子承繼萬物當知其數既得其數當知其聲即思其 有七正之節馬有六合之和馬天下樂之故謂之笙鼓 八卦也萬物之數也八音萬物之聲也所以用八音何 如此賴飛蠕動無不樂其音者至徳之道也天子樂

震音煩氣也萬物情懲震動而生雷以動之溫以暖之 風以散之雨以濡之奮至徳之蘇感和平之氣也同聲 簫也故謂之簫簫者以禄為本言承天繼物為民本人 謂之報也簫者中之氣萬物生於無聲見於無形修也 相應同氣相求神明報應天地祐之其本乃在萬物 也所以懲怨宮商角則宜君父有節臣子有義然後四 力加地道化然後萬物發也故謂之簫也瑟者焉也問 欽 那故謂數也報者震之氣也上應卯星以通王道故 定四庫全書 者時之氣聲也節度之所生也君臣有節度則萬物昌 禮貴不讓賤所以明尊里也鄉黨之禮長不讓幼所以 其親落故曰落有贵賤馬有親疎馬有長幼馬朝廷之 禁止淫邪正人心也落者夷則之氣也象萬物之勝也 時和四時和然後萬物生故謂之瑟也琴者禁也所以 明有年也宗廟之禮親不讓疎所以明有親也此三者 之為言動也陰氣用事萬物動成鐘為氣用金聲也轉 行然後王道得王道得然後萬物成天下樂用磬也鐘

). Lin

白虎通義

蔡在西北方春五音八何春為本出於五行音為末東 無節度則萬物亡亡與昌正相追故謂之鎮机致者終 始之群萬物之所生也陰陽順而複故曰机承順天地 机鼓簫 瑟損鐘落也如其次笙在北方机在東北方鼓 序迎萬物天下樂之故樂用机机始也散終也一說笙 在東方簫在東南方琴在南方項在西南方鐘在西方 風故樂記曰聲成文謂之音知音而樂之謂之樂也

歃

定四庫全書

問曰異說並行則弟子疑馬孔子有言吾聞擇其善者

之將喪斯文也樂亦在其中矣聖人之道猶有文質所 王者所以立三公九卿何曰天雖至神必因日月之光 以擬其說述所聞者亦各傳其所受而已 而從之多見而志之也知之次也文武之道未墜於地天 封公侯

一賢三公九卿二十七大夫八十一元士以順 天成其道

司馬主兵司徒主人司空主地王者受命為天地人之

白虎通義

文

定日車全書

地雖至靈必有山川之化聖人雖有萬人之德必須俊

之也三公九卿二十七大夫八十一元士凡百二十官 九卿也天道莫不成於三天有三光日月星地有三 應十二子别名記曰司徒典民司空主地司馬順天 各自有三法物成於三有始有中有終明天道而 夫佐之一大夫三元士佐之天有三光然後而能遍 髙下平人有三尊君父師故一公三卿佐之一卿 八職以置三公各主其一以效其功一公置三卿

天者施生所以主兵何兵者為謀除害也所以全其生

衛其養也故兵稱天冠賊猛獸皆為除害者所主也論 言土言空者空尚主之何況於實以微見著王者立三 語曰天下有道則禮樂征伐自天子出司馬主兵言馬 以著其德極其才上以尊天子備蕃輔下以子養百姓 重民之至也善惡此而易故知擇賢而封之使治其民 也司徒主人不言人言徒者徒衆也重民司空主土不 者馬陽物或之所為行兵用馬不以傷害為度故言馬 公九卿二十七大夫足以教道照幽隱必復封諸侯何

R ALL D MALE AS ASIA

白虎通義

|十有二收何知堯時十有二州也以禹貢言九州也王 在來收諸侯故謂之收旁立三人凡十二人尚書曰咨 之象賢重民也州伯何謂也伯長也選擇賢良使長一 屬有長十國以為連連有率三十國以為卒卒有正二 百 我謂之伯也王制曰干里之外設方伯五國以為屬 行其道開賢者之路無不自專故列土封賢因而象 埞 一十國以為州州有伯唐虞謂之牧何尚質使大夫 匹庫全書:

所以有二伯者分職而授政欲其並成也王制曰

節共法度也所分陝者是國中也若言面八百四十國 剪勿伐召伯所发春秋公羊傅曰自陝已東周公主之 百各以其屬屬於天子之老曰二伯詩云蔽帝甘常勿 主其易者乃俱致太平也又欲令同有陰陽寒暑之 自陝巴西召公主之不分南北何東方被聖人化日少 大國三卿皆命於天子下大夫五人上士二十七人次 矣諸侯有三卿者分三事也五大夫者下天子王制曰 西方被聖人化日久故分東西使聖人主其難者賢者

白虎道義

中之陽也諸侯象也諸侯凡王者為陰南面質罰為 國 五十里之國百有二十名山大澤不以封其餘以 歃 雷也七十里五十里差德功也故王制曰凡四海 諸侯封不過百里象雷震百里所潤 三卿二卿命於天子一卿命於其君小國二卿皆命 定四庫全書 君 田天子所治方千里此平土三千并數色居山川至 州方千里建百里之國二十七十里之國六 大夫悉同禮王度記曰子男三鄉一卿命於天 雨同也雷者陰 為

專也山木之鏡水泉之利干里相通所均有無賠其不 憂人之急也故列土為疆非為諸侯張官設府非為卿 足制土三等何因土地有高下中王者即位先封賢者 五十里名山大澤不以封者與百姓共之不使一國獨 屬者示不私也即不私封之何善天之下莫非王土率 於宋封王子此干之墓釋箕子之囚天下太平乃封親 日武王克股反商下車封夏后代之後於杞殷人之後 大夫皆為民也易曰利建侯此言因所利故立之樂記 白虎通義

無分離異財之義至昆弗皮體有分別故封之也以舜 與共土一說諸父不得封諸侯二十國厚有功象賢以 據平安也王者始起封諸父兄弟與己共財之義故可 姓各加一功以虞樂其身也受命不封子者父子手足 無短足之居一人使封之親親之義也以尚書封康叔 為民也賢者子孫類多賢又鄉不世位為其不子爱百 土之演莫非王臣海內之衆已盡得使之不忍使親屬 欽 弟象有庫之野也封諸侯以及何陽氣盛養故封 定四庫全書 之義女生外嚮有從夫之義此陽不絕陰有絕之効也 **侯泉野也大夫不世位何股肱之臣任事者也為其專** 大夫人臣北面體陰而行陰道絕以男生內獨有留家 行賞封諸侯慶賜無不成悅何以言諸侯繼世以立諸 **侠盛養賢也封立人若陽德之盛者月令日孟夏之月** 不世安法所以皆侯南面之體體陽而行陽道不絕 世世故春秋公羊傳曰武世世非禮也諸侯世位大 擅勢領覆國家人曰孫首也庸不任輔政妨塞賢故

こりりゅ

F (14)

白几通義

也春秋日適以長不以野立子以野不以長也始封語 正也曾子問日立適以長不以賢何以言為賢不肯不 罪與截君同春秋日弑其君之子奚於助與弑君同也 國在立太子者防篡然壓臣子之亂也春秋之裁太子 春秋傳曰善善及子孫不言及見弟見弟尊同無相承 君獎適夫人無子有育遗版必待其産五之何專適重 可知也尚書曰惟帝其難之立子以贵不以長防爱僧 無子死不得與兄弟何古者象野也弟非賢者子孫 四月石 石工

養之義以関公不繼莊公也見弟不相繼之義至繼體 之功故得及之禮服傳曰大宗不可絕同宗則可以為 庶兄當誰與庶兄推親之序也王者受命而作與滅國 父往為後於大宗所以尊祖重不絕大宗也春秋傳日 為人後者為人子者繼世諸侯無子又無弟但有諸父 繼絕世何為先王無道妄殺無辜及嗣子幼弱為強臣 為人作子何明小宗可以絕大宗不可絕故舍己之 供無子得及親屬者以其俱賢者子孫也重其先祖 白虎通義

所奪子孫皆無罪因而絕重其先人之功故復立之論 欽定四庫全書 也周公不之魯何為周公繼武王之業也春秋傳曰周 得封者善善及子孫也春秋傅曰賢者子孫宜有土地 侯世位象賢也今親被誅絕也春秋傅曰誅君之子立 公与為不之魯欲天下一于周也詩云王曰叔父建爾 見弑其子得立何所以尊君防篡弑春秋繼經日齊 日與減國繼絕世誅君之子不立者義無所繼也諸 知殺其君貴妾子公子糾當立也大夫功成未封子

妻之命魯郊以明至孝天所與也 元子俾侯于魯周公身薨天為之變成王以天子之禮 之休來相宅周家始封於何后稷封於部公劉去郎之 為惡易以聞明當懼慎損於善惡尚書日王來紹上帝 王者心即王中者何所以均教道平往來使善易以聞 那詩云即有部家室又曰篤公劉于 那斯館周家五遷 自 ここりところ 白虎通義 服於土中聖人承天而制作尚書曰公不敢不敬天 京師

其意一也皆欲成其道也時寧先皇者不以諸侯移及 里或日夏日夏邑股日商邑周日京師尚書日率割夏 先請從然後行京師者何謂也千里之色號也京大也 食八人其次食七人其次食六人下農夫食五人庶人 里春秋傳曰京曰天子之居也王制曰天子之田方干 師衆也天子所居故大衆言之明諸侯法日月之徑干 ]謂桀也在商色謂殷也王制曰天子三公之田视公 卿视伯 大夫视子男士视附庸上農夫食九人其次 定匹庫全書

其耕也中士倍下士上士倍中士下大夫倍上士鄉四 國名山大澤不以封其餘以禄士以為閒田諸侯入為 大夫禄君十师禄次國之卿三大夫禄君十卿禄小國 在官者以是為差也諸侯之下士視上農夫禄足以代 七十里之國二十一五十里之國六十三凡九十三 仰信上大夫禄君十柳禄天子之縣內有百里之國 大夫得食兩家菜必日有能然後居其位德加於

人然後食其孫所以尊賢重有德也今以盛徳人輔

大

E

車全書一个

大夫上故百里也公卿大夫皆食菜者示與民同有無 子太子食菜者儲君嗣主也當有土以尊之也太子食 百里與諸侯封同故禮曰公士大夫子子也無爵而在 兩食之何王制日天子縣內諸侯禄也外諸侯嗣也天

之義也也之承天猶妻之事夫臣心事君也謂其位甲

五行者何謂也謂金木水火土也言行者欲為天行氣

五行

黄泉之下任養萬物水之為言淮也除化沾濡任生木 軍者親事故自周於一行尊於天也尚書一日水二日 火三日木四日金五日土水位在北方北方者陰氣在 言禁也土在中央者主吐含萬物土之為言吐也何知 木在東方東方者陰陽氣始動萬物始生木之為言爾 物變化也金在西方西方者陰始起萬物禁止金之為 為言委隨也言萬物布施人之為言化也陽氣用事萬 也陽氣動躍火在南方南方者陽在上萬物垂枝火之 定四車全書

欴

書曰水曰潤下火曰炎上木曰曲直金曰從革上爰稼 最大也含物將生者出者將歸者不強清濁為萬物尚 王之為位而道在故大不預化人主不任部職五行之 王别名也此於五行最尊故不自居部職也元命卷日 東方生樂記曰春生夏長秋收冬藏土所以不名時也 |播五行所以二陽三陰何王尊尊者配天金木水大陰 者少陽金者少陰有中和之性故可曲直可從革土者 性或上或下何火者陽也尊故上水者陰也甲故下木

與所以堅之也猶五味得鹹乃堅也木味所以酸者何 陽自偶水味所以鹹何是其性也所以北方鹹者萬物酸 東方萬物之生也酸者以達生也猶五味得酸乃達也 然傷之也猶五味得辛乃委然也土味所以甘何中央 火味所以苦何南方主長養苦者所以長養也猶五味 炎上作苦曲直作酸從革作辛稼穑作世北方其是朽 者中和也故甘猶五味以甘為主也尚書曰潤下作鹹 苦可以養也金味所以辛何西方然傷成物辛所以

白虎通義

養之方萬物懷任也西方者遷方也萬物遷落也北方 其臭腥中央土也主養故其臭香也月令日東方其臭 盛陽承動故其臭焦西方者金也萬物成熟始復語故 者伏方也萬物伏藏也少陽見官官者演也律中大族 也東方者木也萬物新出地中故其臭題南方者火也 者何北方水萬物所幽藏也入水者受垢濁故是腐朽 南方其臭焦中央其臭香西方其臭腥北方其臭朽 以名心為東方者動方也萬物始動生也南方者任 定匹庫全書 |

蕃屈有節欲出時為春春之為言俸俸 動也位在東方 律之言率所以率氣令生也卯者茂也律中夾鐘衰於 其色青其音角角者氣動躍也其帝太峰峰者大起萬 辰辰震也律中姑洗其日甲乙者萬物字甲也乙者物 日两丁者其物炳明丁者強也時為夏夏之言大也位 於午午物滿長律中教賓衰於未未味也律中林鍾其 也陰中陽故太陽見於已已者物心起律中仲占壮盛 物擾也其神勾芒者物之始生其精青龍芒之為言前

灾

巴马草全营一

白虎通義

少與者少效也其神辱沒蓐沒者縮也其精白虎虎之 愁亡也其位西方其色白其音商商者強也其帝少與 其日東年庚者物更也辛者陰始成時為秋秋之為言 律中南吕東于戊戌者減也律中無射無射者無聲也 陰見於中申者身也律中夷則壯於酉酉者老物收斂 太陽也其神祝融祝融者屬續其精為鳥離為鶯故少 為言搏討也故太陰見於亥亥者仰也律中應鍾北於 南方其色赤其音徵徵止也陽度極也其帝炎帝者

日士癸壬者陰始任癸者採度也時為冬冬之為言終 子子者孳也律中黃鍾衰於五丑者紅也律中大日其 氣動於苦泉之下動養萬物也十二月律之謂之大日 武掩起離體泉龜蛟珠給上為中宫其日戊已戊者茂 也其位在北方其音羽羽之為言舒言萬物始孳其帝 令云十一月律謂之黃、種何中和之色鍾者動也言陽 也已抑屈起其音官官者中也其常黄帝其神后土月 項顓頊者寒縮也其神玄冥玄实者入实也其精玄

VI 5 TOTAL OF THE CO. 1.2

白虎通義

姑者故也洗者鮮也言萬物皆去故就其新莫不鮮明 者凑也言萬物始大凑地而出也二月律謂之夾鍾何 拒者旅抑拒難之也正月律謂之太族何太亦大也族 震散之也六月謂之林鍾何林者衆也萬物成熟種類 夾者字甲也言萬物字甲種類分也三月謂之姑洗何 也四月謂之仲吕何言陽氣極將彼故復中難之也五 月謂之發實發者下也實者改也言陽氣上極陰風始 大大也吕者拒也言陽氣欲出陰不許也吕之為言 四月白豆

隨陽而終也當復隨陰起無有終己十月謂之應鍾何 麥也故陰拒之也九月謂之無射何射者然也言萬物 法也八月謂之南吕何南者任也言陽氣尚有任生齊 生木是以木王火相土死金四水休王所勝者死囚故 動也言萬物應陽而動下藏也五行所以更王何以其、 眾多七月謂之夷則何夷傷則法也言萬物始傷被 王者休本王火相何以知為臣土所以死者子為父報 相生故有終始也木生火火生土土生金金生水水

欽

定四庫全書

人人是通美

是 金 五 全生水 也五行之子慎之物歸母木王火相金成其火旗 火勝 君 王勝水也火陽君之象也水 何 得施行金以盖之土以應之欲溫則溫欲 水減火報其理火生土土則害水莫能而 得害火乎白五行各自有陰陽木生火所 金 相害者天地之性衆勝寡敌水勝火也精 剛 謂無道之君也故為衆陰所害猶紂 勝柔故金勝木專勝散故 陰臣之義也臣 木勝土實 所 禦 勝 胨

還燒其母何日金勝木火欲為木害金金者堅強難消 王四季何木非土不生火非土不禁金非土不成水無 王四季居中央不名府五行何以知同府起丑記義 四季各十八日合九十日為一時王九十日土所以 母以遜體助火燒金此自欲成子之義又陽道不相 不高土扶微助衰歷成其道故五行更王亦須土也 故為相盛火死子乃繼之木王所以七十二日何土

生傳曰五行並起赴各以別名陽生陰然火中無生物

とこり

ALIO I

白尾通義

7

食 太 獨 水中反有至物何生者以內人陰在內故不生也水火 也東西 種金木多品何以為南北陰陽之極也得其極 不可入其中者陰在內也入則殺人矣水土陽 在 可食火水所以殺人何水盛氣也故入而 内故殺人壯於水也金木微氣故不能自殺 者陽陽者施生故可食人者陰在內金者陰嗇 非其極也故非一也水本可食金大土不 稅

埞

四月全書

悉

勺

可入其中金木微氣也精密不可得入也水火

乍亡何水太陰也刑者故常在金少陰木少陽微氣無 無寒火何明臣可以為君君不可更為臣五行常在火 變故亦常在火太陽精微人君之象象尊常藏猶天子 也氣盛不變故不可加人功為人用金木者不能自成 類人取之乃成陰里不能自成也木所以浮金所以 須人加功以為人用也五行之性火熱水寒有温水 九重之內臣下衛之也藏於木者依於仁也木自主 白红通馬

加人功為用金木加人功何火者盛陽水者盛陰者

其母也一 所 時有四也子不肯禪何法法四時人不與土而 何子生於母之義肝所以沉肺所以浮何有知者草 可 以內明而 謂之春金王即謂之秋上尊不 四庫全書 治 曲直故浮也肝法此化直故沉五行将同義天子 也行有五時有四何四時為時五行為節故 說木畏全金之妻疾受疾之化木者法其本 外除人所以外明 而 内 任職 肤 何 君 明天人欲 不 興金也 居 部 相

定

父死子繼何法法木終火王也兄死弟及何法法夏之

名生陰名煞臣有功歸於君何法法歸明 妻親迎何法法日入陽下陰也君讓臣何法法月三十 其身何法法秋然不待冬也主幼臣攝政何法法土用 何法法火不離木也女離父母何法法水流去金也 承春也善善及子孫何法法春生待夏復長也惡惡 日名其功也善稱君過稱已何法法陰陽共叙共生陽 事於李孟之間也子之復讎何法法土勝水水勝火也 順父臣順君妻順夫何法法地順天也男不離父母 於日也臣

こりし

A ALIA | 1

白虎通義

者賜先親近後陳遠何法法天雨高者先得之也長幼 父母生子養長子何法法水生木長大也子養父母何 何法法木遠火近土也親屬臣諫不相去何法法水木 君何法法金正本也子諫父何法法火操直木也臣諫 何法法四時有孟仲季也朋友何法法水合流相承也 ,業不相離也父為子隱何法法木之藏火也子為父 何法法水逃金也君有衆民何法法天有衆星也王 不從則去何法法水潤下達於上也若子遠子近孫 

言東東方天下皆生也君一娶九女何法法九州象天 母何法法木不見水則憔悴也喪三年何法法三年 之施也不娶同姓何法法五行異類乃相生也子喪父 有分土無分民何法法四時各有分而所生者通也若 金不畏土而畏火陽舒陰急何法法日行運月行疾也 法法夏養長木此人養母也不以父命廢主命何法法 **関天道終也父喪子夫喪妻何法法一歲物有終** 亦為之變也年六十用房何法法六月陽氣衰也人 八九八通美

欽

定四庫全書一人

有五藏六府何法法五行六合也人目何法法日月明 國有三軍何所以戒非常伐無道尊宗廟重社稷安不 也王者監二王之後何法法木須金以正須水以潤也 也日照畫月照夜人目所不更照何法法日亦更用事 王先賞後罰何法法四時先生後然也 三軍

忘危也何以言有三軍也論語曰子行三軍則誰與詩

云周王于邁六師及之三軍者何法法天地人也以為

為 必 二軍下國一軍諸侯所以一軍者何諸侯蕃屏之臣也 二足以窮盡陰陽備物成功二千人亦足以征伐不義 二千五百人師為一軍六師一萬五千人也傅曰一人 不能當萬人必死横行天下雖有萬人猶謙讓自以 死十人不能當百人必死千人不能當千人必死萬 太平也較梁傳曰天子有六軍語侯上國三軍次國 不足故復加五千人因法月數月者草除之長也十 伍五伍為

白虎通義

兩四兩為率五卒為族五旅為師

無二元后廟後告者示不敢留尊者之命也告天何示 公皮弁素情何代者立事素服示有傳給也代者質故 欽 于社造于獨尚書曰歸假于藝祖出所以告天至告 亦皮升知伐亦皮王者将出解於稱還格祖稱者言子 任兵革之重距一方之難故得有一軍王者征伐所以 放自專非出解反面之道也與宗廟里義還不復告 定四庫全書 一 面之禮尊親之義也王制曰王者将出類于上帝宜 古服禮曰三王共皮弁素情服亦皮素情又招虞 袓

伐文家言天命已成為王者乃得誅伐王者耳故先改 不見告於天知不告也王者受命質家先伐文家先正 天者天道質無內外故不復告也尚書言歸假于祖禰 禁告天用夏家之法也詩云命此文王于周于京此言 其質故論語曰子小子履敢昭告于皇天上帝此湯代 正朔也又改正朔者文代其質也文者先其文質者先 何賢家之天命已也使已也該無道今妹得為王故先

文王誅伐故改號為周易邑為京也明天者忠臣孝子

白虎通義

之義也湯親北面稱臣而事桀不忍相誅也禮曰湯放 出伐有扈也王制曰賜之弓矢乃得專征伐犯王誅者 方伯誅之尚書曰今子惟恭行天之罰此所以言於自 樂武伐斜時也王法天誅者天子自出者以為王者乃 也故但聞將軍令不聞君命也明進退大夫也春秋傅 天之所立而欲謀危社稷故自出重天命也犯王法使 日此受命于君如伐齊則還何大其不伐喪也大夫以 大夫将兵出必不御者欲盛其威使士卒一意繫心 定四庫全書 1

受成于學此言于祖廟命遣之也王法于此受兵何重 者何不忍並聞人父子也王制曰六十不預服戎尽曰 自專也獨於祖廟何制法度者祖也王制曰受命于祖 君命出進退在大夫也天子遣將軍必於廟何示不敢 政齊衰大功三月不從政察疾非人不養者一人不從 八十一子不從政九十家不從政父子之喪三年不從 絕人嗣也師行不必勝故須其有世嗣年六十歸兵

古者師出不踰時者為怨思也天道一時生一時養

1. dua 1

白虎通義

我往矣楊柳依依今我來思雨雪霏霏春秋曰宋人取 人者天之貴物也節時則內有怨女外有職夫詩云告 喪夷狄有內侵伐之者重天誅為宗廟社稷也春秋傳 誅不避親戚何所以尊君甲臣強於弱枝明善善惡亞 長葛傳曰外取邑不書此何以書久也王者有三年之 日天王居于於泉傳曰此未三年其稱天王何著有天 定匹庫全意 誅伐

傳曰大其不伐 喪也諸侯之義非天子之命不得動衆 之義也春秋傳曰季子然其母凡何善爾誅不避母兄 起兵誅不義者所以強於弱枝尊天子里諸侯論語曰 年之喪有罪且不誅何君子恕己哀孝子之思慕不忍 君臣之義尚書曰肆朕誕以爾東征誅弟也諸侯有三 刑罰春秋日晉士馬師師侵齊至報間齊侯卒乃於 自諸侯出世無聖賢方伯諸侯有相減者力能救者 下有道則禮樂征伐自天子出天下無道則禮樂征

定日車全書

白虎通差

春 侯之子篡弑其、君而立臣下得誅之者庶討賊之義也 性人為貴人皆天所生也託父母氣而生耳王者以養 自立為諸侯絕之而已父然其子當誅何以為天地之 可也論語 君楚子誅之王者受命而起諸侯有臣弑君而立當 秋傳曰臣斌君臣不討賊非臣也又曰察世子班斌 君身死子不得繼者以其逆無所天也詩云母封靡 邦惟王其崇之此言追誅大罪也或盗天子土地 日陳恒武其、君孔子沐浴而朝請討之王者

不出察後人當誅何為其亂善行何覆國政韓詩內傅 父報雖者臣子於君父其義一也也臣孝子所以不能 道未行章明遠之而已論語曰放鄭聲遠传人子得為 孔子為魯司宠先誅少正卯為佞道已行亂國政也佞 長而教之故父不得專也春秋傅曰晉侯然世子申生 春秋傳曰子不復讎非子檀弓記子夏問曰居兄弟之 不與共國朋友之離不與同朝族人之雠不共隣故 以恩義不可奪也故曰父之雠不與共天下兄弟之一

白虎道義

終子不 雠 雠 歃 如之何仕不與同國街君命遇之不關父母以義見 定 四庫全書 復 惟者為往來不止也春秋日父不受誅子復

,濮傳日其,稱人何計賊之醉也伐者何謂伐擊也欲 誘蔡侯班然之于申傅曰誅君之子不立討者何謂 就猶責也誅其人責其罪極其過惡春秋曰楚子 除也欲言臣當掃除君之賊春秋日衛人然州

欲言其正也輕重從群也誕以爾東征誅禄南也又曰 言伐擊之也尚書日武王伐紂征者何謂

也征猶

其父非一 也春秋識口戰者延改也弑者弑也欲言臣子殺其君 欲言庶奪嫡孽奪宗引奪取其位春秋傳曰其人何篡 甲戌我惟征徐戎戰者何謂尚書大傅曰戰者憚警之 鄭人國掩人不備行不假途人街枚馬總勒晝伏夜行 秋傳曰其謂之秦何夷狄之也曷為夷狄之秦伯將襲 不敢卒候間同事可稍稍減之易口臣就此君子就 也稍稍然之襲者何謂也行不假途掩人不備也 一朝一夕之故也篡者何謂也篡猶奪也取也 白虎通義

賣者也將入人國先使大夫執幣假道主人亦遣大夫 涂 何 迎於郊為賓主設禮而待之是其相尊敬也防并無奈 也春秋傳曰桓公假途于陳而伐楚禮曰使次斤先假 為襲也諸侯家國入人家宜告主人所以尊敬防并兼 行何此日陽氣微弱王者承天理物故率天下靜不復 涂 語供之行必有師旅恐掩人不備士卒做取恒遲先 用東帛即如是諸侯賣王者道禮無往不反非謂 灾 厠 月全 11 預備之矣冬至所以休兵不舉事閉閥商旅不 肵

冬至陽氣始前易曰先王以至日閉闊商旅不行夏至 陰 天下諸侯有諍臣五人雖無道不失其國大夫有辞臣 馬能無海子孝經曰天子有諍臣七人雖無道不失其 臣所以有諫君之義何盡忠納誠也爱之能無勞乎忠 至陽始起陰氣推而上故大寒也 行役扶助微氣成萬物也故孝經識曰夏至陰氣始動 始起反大熱何陰氣始起陽氣推而上故大熱也冬 諫諍 白虎通義

道不失天下杖犀賢也諸侯諍不從得去何以屈尊申 有諍子則身不陷於不義天子置左輔右弼前疑後承 三人雖無道不失其家士有諍友則身不離於令名父 如是之是待以禮臣待放如不以禮待遂去君待之以 紀度定德 經後承主臣正常考變失四弼與道率主行 仁夫陽變於七以三成故建三公序曰諍列七人雖無 孤惡君也去曰某質性頑鈍言愚不任用請退避賢 順左輔主修政刻不法右弼主糺周言失傾前疑主 匹庫全書

쉷

埞

之制無塞賢之路夫子欲何之則遣大夫送至于郊公 禮奈何日予熟思夫子言未得其道今子不且留聖王 罪之可得也接神契曰三谏待放復三年盡倦倦也所 年不呼其門所以復君恩今已所言不合於禮義君欲 其,君覺悟能用之所以公三年古者臣下有大喪君三 以言放者臣為君諱若言有罪放之也所諫事已行者 三陳者何以為得君臣之義必侍於郊者忠厚之至也

遂去不留凡待放其君用其言耳事已行篡各去無為

白虎通義

欴

定四庫全書

待放者亦與之物明有介主無介民也詩曰逝將去汝 察二與之一留與其妻長子使終祭宗廟賜之環則反 適彼樂上或曰天子之臣不得言放天子以天下為家 賜之玦則去明君子重耻也王度記曰反之以玦其不 司馬子反曰請處乎此臣請歸子反者楚公子也時不待 也親屬諫不得放者骨肉無相去離之義也春秋傅曰 留也易日介如石不終日貞吉論語曰三日不朝孔子 行臣待於郊者君絕其禄者示不欲去也道不合耳禄

得固盡其忠耳禮保傅天夫進諫士傅民語妻得諫夫 放士不得諫者士賤不得預政事故不得諫也誤及之 者 也子陳父不去者父子一體而分無相離之法猶火去 胡 夫婦榮耻共之詩云相鼠有體人而無禮人而無禮 非為諫正也故一與齊終身不改此地無去天之義 取法法金正本也子之諫父法火以操木也臣諫君 而滅也論語事父母幾諫下言又敬不違臣之諫君 不過死此妻諫夫之詩也諫不從不得去之者本娶

白虎通義

五十五

其事未彰而風告此智性也順諫者仁也出辟遊順 欽 則 因 也待放木取法於水火無金則相離也諫者何 以義故折正之也子諫父以恩故但操之也本無毀傷 復前以禮進退此禮之性也指陳者信也指於 也更也是非相問革更其行也人懷五常故有五諫 定四庫全書 也此信之性也怕陳者義也惻隱發於中直言國之 君心仁之性也窥諫者禮也視君颜色不悅且卻 諫 順陳窥諫指諫伯諫風者智也思禍之崩沒睹 私上 諫問 相 倪 不

|永已失也禮保傅曰於是立進善之难懸誹誇之木建 害属志忘生為君不避喪身義之性也孔子曰諫有五 吾從諷之諫事君進思盡忠退思補過去而不訓諫而 灰法則也動則當應禮是以必有記過之史微膳之宰 招諫之鼓王法立史記事者以為臣下之儀樣人之所 以刺之幸其覺悟也明王所以立諫諍者皆為重民而 不露故曲禮曰為人臣不顯諫織微未見於外如詩所 也若過惡已著民家毒螫天見災變事白異露作詩

广

足日東全書 人

白虎通義

失度則史書之士誦之三公進讀之军夫徹其膳是以 以謂之史何明王者使為之也謂之宰何宰制也使 天子不得為非故史之義不書則死宰不徹膳亦死所 度也宰所以徹居 玉禁日動則左史書之言則右史書之禮保傳曰王 也掩惡者謂廣德宣禮之臣所以為君隱惡何君 三姓人臣之義當掩惡楊美所以記君過何各有 味而食之禮日一較不升不備鷄鷃二穀不升 何陰陽不調五穀不熟故王者為

臣 |華故設輔弼置諫官本不當有遺失故論語曰陳司版 書曰必力賞罰以定厥功諸侯臣對天子亦為隱乎然 問 本諸侯之臣今來者為聘問天子無慈非為告君之惡 隱 臣勘罰 昭公知禮乎孔子曰知禮此為君隱也君所以不為 何以為君之於臣無適無其義之與此赏一善而 一惡而東臣惟若為果隱為不可始也故尚

君不為臣隱父獨為子隱何以為父子一體而分荣

也故孝經日將

順其美匡殺其惡故上下治能相

2

ישו מוא נל זביי

白虎通義

Ź. 那上 令可友弃妻令可嫁也黎蒸不熟而已何問其故乎此 甫為主也朋友相為隱者人本接朋結友為欲立身揚 之樂則思之惠則死之夫妻相為隱乎傳口智去妻黎 弟 為隱之也 相及故論語曰父為子隱子為父隱直在其中矣兄 也朋友之道四馬通財不在其中近則正之遠則 相為隱乎曰然與父子同義故周公誅 熟問日婦有七出不然亦預乎日吾聞之也絕交 四國常以 称

韵

灾

月台世

参上

故以射達之也含文嘉曰天子射熊諸侯射魔大夫射 室塞不能自達者夫射自內發外貫坠入剛象物之生 鹿豹士射鹿豕天子所以射熊何示服猛巧佞也能為 天子所以親射何助陽氣達萬物也春氣微弱恐物有 射糜者示達迷感人也糜之言迷也大夫射虎豹 猛巧者非但當服猛也示當服天下巧伎之臣也諸 鄉 射

示服猛也士射應豕者示除害也各取德所能服也大

4 45

白虎通義

射 视 心平體正然後中也二人爭勝樂 射之射 數 爾 日嗟 Ė 偶 所 兩 阚 也 以名為 射 焦 正何為乎日射義非一也夫 者人臣示為君 不 不寧侯爾不朝于王所以故天下失業元 者 射正身 侯 どく 何明語焦 布為之何用人事之始也本正 何君子重同 親視事身劳苦也或曰臣 有不朝者則 薊 徳養也勝 不忍射之故畫獸 扑 者 射之故禮 轨 马坠 則 固 舻 而

む、1

禮讓可以選士故射選士大夫勝者於近

而

角

也其兵短而害長也故可以戒難也所以必因射 步士五十步明尊者所服遠也早者所服近也所以十 樂射於堂上何示從上制下也禮曰賓主執弓請升 井次墙至有子使父弟使凡故以事閒服復長幼之序 士者所以扶助微弱而 兩 鄉飲酒之禮何所復尊甲長幼之義春夏事急浚 楹 為戒難也詩云四矢反分以禦亂分因射智禮 之間天子射百二十步諸 抑其強和調 侯九十步大夫七十 陰陽戒不虞也

白虎通義

言五更者何老者壽考也欲言所令者多也更者更也 享三老五更于太學者所以教諸侯悌也不正言父兄 也王者父事三老兄事五更者何欲陳孝佛之徳以示 所更歷者衆也即如是不但言老言三何欲言其明於 順貌也禮記祭義曰祀于明堂所以教諸侯之孝也 也天子臨辟雅親祖割性尊三老父象也竭忠奉几 授安車濡輪恭緩執授兄事五更應接禮交加客語 下也故難天子必有尊也言有父也心有先也言

È

定

四库全書

天地人之道而老也五更者欲言其明於五行之道而 )懸車示不用也致仕者致其事於君 事也三老五更幾人乎日各一人何以知之既以父 七十懸車致仕者臣以執事超走為職七十陽道極 目不聰明改斷之屬是以退去避賢者所以長廣恥 野者也故曲禮大夫七十 而致仕王制日七十致 而己不宜有三 致 仕 君不使自去 者

广

己日東公書

朝 鄉 回 非 大夫 家者三分其禄以一與之所以厚野也人老七十 人不温商四方乘安車與婦 0 君 禮祭義曰八十不俟朝 五十杖於家六十杖於 夫老有盛徳者留賜之几杖不備之以筋力之禮 致 者養之以其禄之半几杖 歸年九十君欲有問 仕者若不 得、 詂 則 辨 於 則 公賜之几杖 君問就之大夫老歸 就其室以珍從明尊 七十杖於國八十杖 人供自稱日老夫曲 所以扶助衰也 £ 回臣 故 禮 致 £

學學經術學之為言覺也悟所不知也故學以治性處 居 以慶情故玉不琢不成器人不學不知道子夏日百工 古者所以年十五入太學何以為八歲毀齒始有識 以大夫禮葬車馬衣服如之何曰盡如故也 入學學書計七八十五陰陽備故十五成童志明入太 語 肆以成其事君子學以致其道故禮日十年日幼學 日吾十有五而志於學三十而立又生而知之者 辟雍

白光通義

壽馬師國先生湯師伊尹文王師吕望武王師尚父周 馬論語識曰五帝立師三王制之傳曰黃帝師力牧帝 工也學而知之者次也是以雖有自然之性必立師傅 太學在郊又日天子太子奉后之太子公卿大夫元士 曰匪我求童蒙童家求我王制曰小學在公官南之左 公師號叔孔子師老聃天子太子諸侯世子皆就師於 飲定四庫全書 尊師重先王之道也禮日有來學者無往教者也易 師綠圖帝譽師赤松子帝堯師務成子帝舜師尹

道當極就陰陽夫婦變化之事不可父子相教也師弟 言積也積天下之道徳也雍之為言壅也壅天下之残 之道也天子立辟雍何所以行禮樂宣德化也辟者登 子之道有三論語曰朋友自遠方來朋友之道也又曰 之嫡子皆造馬父所以不自教子何為恐瀆也又授之 也象壁圓又以法天於雍水側象教化流行也辟之為 回也視予猶父也父子之道也以君臣之義教之君臣 故謂之辟雍也王制曰天子曰辟雍諸侯曰泮官外 白先通義

雷 圓 餘壅之言垣官名之别尊里也明不得化四方也不日 欽 作泮宫淮夷攸服鄉回库里回序庠者庠禮義也序 者欲使觀之平均也又欲言外國內方明德當圆 所化少也半者象璜也獨南面禮儀之方有水耳其 方也不言圓碎何又圓於碎何以知其圓也以其言 定 阆 四庫全書 何疑但半天子制度也詩云穆穆魯侯克明其德 如壁諸侯曰泮官者半於天子官也明尊果有 以知有外也又詩云思樂泮水薄米其於詩

The second second second

者為右師教里中之子弟以道藝孝佛行義立五帝之 心無由生也若既收藏皆入教學立春而就事其有賢 幼有序善如爾舍明令必次外然後前民者也未見於 者序長幼也禮五帝記曰立库序之學則父子有親長 仁故立库序以導之也教民者皆里中之老而有道德 才美質知學者足以開其心頑鈍之民亦足以别於禽 而復罷其有出入不時早晏不節有過故使語之言 朝則坐於里之門弟子皆出就農而復罷亦如之皆 白完戶義

二坐法十二月三十六户法三十六雨七十二牖法七 明堂上圓下方八窓四闥布政之宫在國之陽上圓法 地正四時出教化宗有德重有道顯有能褒有行者也 天下方法地八愈象八風四闊法四時九室法九州十 之元詩云經始靈臺天子立明堂者所以通神靈感天 人之心察陰陽之會揆星辰之證驗為萬物獲福無方 棄之明無不教民也天子所以有靈臺者何所以考天 而知人倫故無不教之民孔子曰以不教民戰是謂

欽定四庫全書 一

天所以有災變何所以謹告人君覺悟其行欲令悔過 二風 災變

出以戒人也災無者何謂也春秋潜潭巴曰災之言傷 也隨事而誅異之言惟先感動之也何以言災有哭也 修德深思慮也接神势口行有點缺氣逆于天情感變 秋日新宫火三日哭傳日必三日哭何禮也災三日


哭所以然者宗廟先祖所處鬼神無形體也今忽得天

白虎道義


三欽 嘉曰禹将受位天意大變迅風靡木雷雨晝須服乘者 無何各隨其行因其事也霜之為言亡也陽以散亡雹 服棄也孽者何謂也曰介蟲生為非常尚書大傳曰時 火得無為災所中乎故哭也變者何謂變者非常也耀 禮告乎竟遭洪水湯遭大旱命運時然所以或災變或 何 有介蟲之孽時則有龜孽走遭洪水湯遭大旱示有 謂衣服乍大乍小言語非常故尚書大傅曰時則有 定四庫全書 一

之為言合也陰氣專精積合為電日食者必救之何陰

攻之以陽青陰也故春秋日日食鼓用壮于社所以必 者謂夫人擊鏡傳人擊杖庶人之妻按檢 陰道也月食放之者陰失明也故角尾交日月食放之 王者所以親耕后親桑何以率天下農蠶也天子親耕 牲者社地别神也尊之故不敢虚责也日食大水則 一陽也鼓用性于社社者衆陰之主以朱絲禁之鳴鼓 用姓於社大早則等祭未雨非尚虚也物陽責下求 耕杂 白虎通義 1. 4 E



AC AL D HOLL AT ALLO I 謹案第二頁後一行五十里有两爵者利本五十 第三頁前一行殷家所以令公居百里侯居七十 第十三頁後八行則釋獲利本釋批擇據儀禮改 第十二頁後八行非明王之法張不霸利本法張 第三頁後一行通古今刊本脱通字今增 訛十五據王海改 里何也刊本脱殷字據王道焜本增 訛張法又脱不字據程榮本改增





腾绿監生臣熊 輝校對官編修臣楊壽楠